

E T O R K I Z U N A .

Iragokoa irago ziñan,
 Baña betiko irago,
 ¡Ay! ezagutu nik bazindudaz
 Irago bario lenago;
 Iragoaren biurtuterik
 Ez dodalako geiago,
 Etorkizunaz bildurrez larri
 Eta ikaraz chit nago,
 Enazalako etorkizunaz
 Kontuan jausi gaurdaño.

Etorkizunak, etorkizunak,
 ¡Zelan ninduan poztuten!
 Mendi gañeko zelai eder bat
 Au jatan begitanduten,
 Etorkizuna loraz jantzirik
 Baneban bere ikusten,
 Etorkizunaz sinislari au
 Banintzan bere puztuten,¹
 Etorkizunaz desengañauta
 Naz baña gaur esnatuten.

Ezkutau eustan etorkizunak
 Bere eguzki argia,
 Estaldu eustan etorkizunak
 Bere goīs zoragarria,
 Ostendu eustan etorkizunak

Uda barriko arpegia,
 Gorde betiko etorkizunak
 Icharopen on guztia,
 Len pozgei jatan etorkizuna
 Orañi jat illungarria.

Jayoa doa koskonduagaz
 Lenengo ainbat urtean,
 Gaztea bere goruntz igoaz
 Bizitzan aldats latzean,
 Piesta zaleen gisan zantzo ta
 Uju-ujuka bidean,
 Etorkizun bat alegerea
 Topetea ustez gañean,
 Ames egiñaz biziteko ondo
 Gora elduten danean.

¡Ai! igo neban nik beregora
 Baña ez topau zelaitza,
 Ezpada ota, sastraka asko,
 Nartzea eta arantza;
 Billatu neban mendi guena
 Zelayen orde zorrota,
 Poztu ninduan etorkizuna
 Zan iduri uts, zan bitza,
 Iduri utsa, bitza, amesa
 Dalako gure bizitza.

(1) Puztu=arroto

Zartu egin dan guziak deutsa
 Mendi orri igo gañera,
 Baña atsedeen nun ez topaurik
 Jarrai bear da aurrera,
 Eguerdia artuagaz bat
 Eguzkiaren antzera,
 Gizona bere iragoten da
 Bizitzan arratsaldera,
 Etorkizuna joan ezker
 Baña ez dator atzera.

Atzea edo oste aldea
 Gelditzen jaku gauturik,
 Etorkizunak ezin dabela
 Araño bota argirik,
 Eguzki onek igēs eginda

A geratu zan illunik,
 Irago ezker bide artatik
 Aurreruntz baten bakarrik,
 Ate sendoaz geratuten da
 Bein ta betiko ichirik.

Zarturik nago arratsaldeko
 Eguzkiaren antzean,
 Aurkietan naz beeko zokora
 Laster jo ta eldu bearrean,
 Eriotzea jabetua da
 Irago dodan bidean,
 Etorkizunak erakusten deust
 Obi sakon bat aurrean,
 Etorkizunak nora daroan
 Orra gizona azkenean.

FELIPE ARRESE TA BEITIA.

